



庶物異名疏卷十九目錄

果部

隈支

優曇鉢

阿駟

答逌

南威

味諫

木威

候闐

土翁

猴總

多南

王壇

三廉

駁

菝

贊穉

黎朦

槽罟

部諦

羅晃

特乃

不納

日頭

塔骨

俺拔

的

薏

雨草

毗野

歌畢佗

偏朴

候騷

玉紅

唐藜

味履支

直牛

鬱

劉杙

楊槎

白羅

杜

感咨

槭

躡泄

楊徹

木蜜

遵

洗

嬰奧

駭栗

菜蝟

山躑躅

鬼目

比目

益智

革挈

鈎藤

菝

水芝

金敘

土芝

楸

蒟子

崖蜜

蠹薺

阿駟

底珍

胥耶

亲

蝦蟇

飛穰

桐乳

隱夫

丹若

塗林

日給

龍蹄

獸掌

龍膽

蒲蛤

狸首

鳧苳

符訾

含消

臘兒

乾腊

青登

黑檜

來禽

楹棹

庵羅

庶物異名疏卷十九

樛李陳懋仁無功著

果部

隈支

益州方物圖云隈支生邛州山谷中樹高丈餘
枝修而弱開白花實大如雀卵狀如荔支肉黃
膚甘

優曇鉢 阿駟

本草綱目注無花果凡數種此乃映日果卽廣

中所謂優曇鉢及波斯所謂阿駟也

荅選

荅選似李出蜀中見張楫上林賦注

南威

味諫

木威

太平廣記橄欖一名南威吳錄地里志高涼安寧縣餘甘初食之味苦後口中更甘故山谷詩注餘甘名味諫臨海異物志子如梭形餘甘橄欖同一木也又廣州記木威高丈餘子如橄欖而堅削去皮以為粽酉陽雜俎云珠崖橄欖獨

報枝東向日木威南向日橄欖

候闐

候闐子如指頭大味苦可食

土翁

土翁子如漆子大熟時甜酸色青黑

猴總

猴總子如指大與柿相似其味不減於柿

多南

多南子如指大色紫味甘與梅子相似晉安候

官界中有之俱見臨海異物志

王壇

揚都賦王壇丹橘臨海異物志王壇子如棗大味甘晉安侯官越王祭壇邊有之此果不知其名因見生處遂名王壇其形小於龍眼有似木瓜七月熟甘美也

三廉

臨海異物志三廉大實不但三雖各三廉或有四五六枝食之多汁味酸且甘藏之尤好與衆

果相叅

駁

爾雅云駁赤李郭璞曰子赤

菝

方言菝

韋

雞頭也北燕謂之菝青徐淮泗之間

謂之芡南楚江湘之間謂之雞頭或謂之鴈頭或謂之烏頭古今注云葉似荷而大葉上感衄如沸實有芒刺其裏如珠莊子謂之雞壅周禮注一名鴻頭昌黎詩鴻頭刺芡實山谷詩剖蚌

煮鴻頭

贊穉

韻學集成云贊

已一作贊穉

之果其狀詰屈按本

草樹徑尺葉似桑柘子作房似珊瑚枝在其端

卽贊也贊穉屈曲不伸之貌故廣韻謂之曲

枝果

黎朦

黎朦子如大梅復似小橘味極酸

櫓罟

櫓罟子大如半升椀諦視之數十房攢聚成球

每房有縫冬生青至夏紅破其瓣食之微甘

部諦

部諦子色黃如大石榴

羅晃

羅晃子如橄欖其皮七重

特乃

特乃子狀似榧而圓長端正

不納

不納子似黃熟小梅絕易爛爛卽破肉附核可
爲經珠似菩提子

日頭

日頭子狀如櫻桃色如蒲桃穗

塔骨

塔骨子匾如大橘皮裏空虛黎朦而下俱見桂

海虞衡志

俺拔

俺拔如消梨稍長香冽去其皮可食出蘇門答

刺國

的一各
湖日

惹

雨草

爾雅蓮中的謂蓮子也的中惹謂子中心也陸
璣疏云蓮青皮懷白子曰的的中有青爲惹味
正苦故里語云苦如惹是也六朝人房叔道知
湖目湖目蓮子也師曠曰歲欲雨雨草先生雨
草藕也

毗野

毗野嘉果也實如楮產真臘

歌畢佗

歌畢佗實似李產真臘

偏朴

偏朴果名暹羅貢物有萬年棗偏朴俱見裔乘

侯騷

廣志侯騷蔓生如雞卵既甘且冷輕身消酒又名藟子藤齊民要術云藟子藤生緣樹木實如梨赤如雞冠核如魚鱗取生食之淡泊甘苦藟子雲賦長卿晚翠藟子秋紅用此楊升庵說藟

子而不及侯騷蓋未攷廣志耳

玉紅

尸子崑崙之墟玉紅之草生焉食其一實而醉臥三百歲而後寤

唐藪

本草蜀椒一名唐藪生武都川谷及巴郡八月采實

昧履支

酉陽雜俎云胡椒出摩伽陀國呼爲昧履支

直牛

洛陽伽藍記白馬寺柰重七斤又有大榴京師曰白馬甜榴一名直牛

鬱

爾雅翼鬱實大如李正赤食之甜毛詩義問曰樹高五六尺禮記疏鬱一名車下李一名夫梭地一名奠一名鬱梅

劉杙

爾雅疏劉一名劉杙乙注云劉生山中實如梨

酢甜核堅出交趾南方草木狀云劉三月花七八月熟色黃味酢

楊棧 白羅

爾雅棧羅毛詩疏義曰楊棧一名赤羅一名山梨今人謂之楊棧其實如梨但實甘小異耳其文細蜜如羅故名赤羅又有白羅皆文木赤羅文棘白羅文緩廣志云子似梨大如杏陸璣疏一名鹿梨一名鼠梨極有脆美者亦如梨之味

杜

齊民要術凡種梨十子唯二子生梨餘皆生杜
感咨

廣志梁國夫人棗大白棗名曰感咨小核多肌

棧 躡泄 楊徹

爾雅槭酸棗樹小實酢躡歲泄 一日 苦棗楊徹

齊棗郭注未詳

木蜜

木蜜棗子也見太平廣記

遵

爾雅郭注實小而圓紫黑色今呼為羊矢棗曾
皙愛羊棗即遵也

洗

洗大棗見爾雅郭注今河東猗氏縣出大如雞

卵

嬰奧

刊謬正俗云嬰奧陶弘景注本草云蒲桃作酒

云用其膠汁又說是江南嬰奧恐如北土枳之

類橘耳按蒲桃酒即多聚而釀之安得膠事嬰

奧蒲桃種類殊別江南自是蒲萄北土兼有嬰
奧斯則非一物明矣

駭栗

菜蝟

東觀書曰駭栗蓬轉蓋今栗房秋熟罅發其實
驚駭如爆去根榦甚遠所謂駭栗其以此歟埤
雅曰栗有菜蝟自裹菜蝟栗房也

山躑躅

韻學曰山石榴一名山躑躅有草名躑躅者見
草部

鬼目

廣志鬼目似梅交州記曰樹似棠梨葉似楮皮
白樹高大如木瓜而小邪傾不周正味酸九月
熟

比目

益智

吳氏本草云龍眼一名比目廣雅云益智龍眼
也

草挈

鈎藤

鄭玄云草挈王瓜也呂覽孟夏王善生注云善

或作瓜甜瓜本草作茭萋栝樓根一名地樓一
名果羸一名天瓜一名澤姑實名王瓜郭璞云
土瓜自謂之鈎藤

菝

水芝

金敘

土芝

廣雅冬瓜菝及也水芝瓜也其子謂之瓢廣州
記有瓜冬熟號爲金敘味乃甘美本草瓜一名
土芝龍魚河圖曰瓜有兩鼻者殺人

楸

爾雅楸

毛

木瓜詩疏木瓜美木可食故郭璞云

實如小瓜酢可食是水經注魚復縣地多木
瓜樹子大如丸白黃實甚苦廣志云木瓜子可
藏長一尺百二十節三國典略云木瓜灰毒魚
魚皆死浮出

蒟子

羅浮山疏山檳榔一名蒟子榦似蔗葉類柞一
葉十餘榦每榦生十房房底數百子四月采樹
似栟櫚生日南者與檳榔同狀五月熟長寸餘

崖蜜

鬼谷子云櫻桃一名崖蜜太平廣記石櫻桃也
呂氏本草一名麥英東坡詩待得餘甘回齒頰
已輸崖蜜十分甜餘甘橄欖也戴氏鼠璞云讀
南海志崖蜜子殼薄味甘雖不知與櫻桃爲一
物與否要其類也

蠶薺

蠶薺子如彈魏武帝食品云

阿駟 底珍

酉陽雜俎云阿駟波斯國呼爲阿駟拂林國呼

爲底珍樹長丈四五枝葉繁茂葉有五出似柀
麻無花而實實色赤類柀子味似乾柿而一月
一作一熟

胥耶

胥耶見上林賦或作胥餘卽椰子也南方草木
狀云相傳林邑王與越王有怨使刺客乘其醉
取其首懸於樹化爲椰子其核猶有兩眼故俗
謂之越王頭而其漿猶如酒也

亲

本草圖經云桂陽有亲親而叢生實大如杏子
中仁皮子與栗無異但差小耳又有奧栗皆與
栗同圓而細云卽亲也按說文以榛爲木而亲
爲果然則山有榛之榛當作亲而樹之榛栗宜
爲榛矣

蝦蟆

草木子胡桃人曰蝦蟆

飛穰

鈕滔母孫瓊與定夫人書此中果有胡桃飛穰

出自南州胡桃本生西羌外剛內柔甘質似古
賢欲以奉貢藝海洞酌云飛穰一名佛手柑

桐乳

說櫟云青桐子生麤鄂間如乳曰桐乳莊子桐
乳致巢是也庾信詩草銜長帶桐垂細乳又井
梧曉寒千乳結茗園春嫩一旗開

隱夫

上林賦隱夫莫棣苔逖離支注隱夫未詳苔逖
見前

丹若

酉陽雜俎石榴一名丹若續酉陽云衛公言石榴甜者謂之天漿本草綱目注道家書以榴爲三尸酒三尸蟲得此果則醉故范成大詩玉池咽清肥三彭跡如掃三彭三尸之姓也居人身中伺察功罪每庚申日籍於上帝故學仙者先絕三彭則神仙可得

塗林

陸機與弟書張騫爲漢使外國十八年得塗林

塗林安石榴也

日給

右軍帖有日給子杜恕篤論其華與柰相似傳玄云舜花亦名日給

龍蹄

獸掌

廣雅龍蹄獸掌瓜屬也

龍膽

稽含瓜賦甘瓜晉植用薦神祇其名龍膽其味亦奇是謂土芝

蒲鴿

狸首

蒲鴿狸首皆瓜名見韻府

鳧苾

符訾

鳧苾見爾雅生下田苗似龍鬚而細根如指頭
黑色可食一名芍一名葶薺後漢書作符訾

舍消

三秦記漢武帝有名園曰御宿有大梨如五升
碗名舍消

臘兒

說櫟建業間園下種曰蜜父枇杷曰臘兒

乾腊

山海經雲山之上其實乾腊郭璞云乾腊梅也

青登

廣志陽城御瓜有青登之名大如三斗魁

黑檮

來禽

廣志林檮似赤柰子亦名黑檮又名來禽言味
甘熟則來禽也來禽亦見右軍帖

搵棹

菽園雜記陝西有木實各搵梓肉色似桃而上
下平正如柿其氣甚香其味酸澁以蜜制之歲
爲進貢然終非佳味太監王敏鎮守陝西始奏
罷之省費頗多

庵羅

翻譯名義集曰庵羅園闡義云庵羅是果樹之
名其果似桃或云似柰此樹開華華生一女國
人嘆異以園封之園旣屬女女人守護故名庵

羅樹園

終

庶物異名疏卷二十目錄

蔬部

御温

穰菜

荳

紫萸

嘉樹

葷菜

興渠

葱淙

嬾人菜

碧狼

茈

綸

竹萌

筒蘆

鷄腔

游胡

莫

酸迷

乾絳

茂子

唐

葵

菘蔬

雹葵

綠

卷耳

懷風

勞祖

苦蕒

析目

榮冥

頗陵

殿優

月爾

托盧

天精

菜伯

和事草

空亭液

慈謀勒

繁露

垂水

茗饒

翹搖

躡躑

蹲鴟

青烏

黃獨

玉延

祝餘

馘厨

接余

玉版

燕蓐蔬

庶物異名疏卷二十

檇李陳懋仁無功著

蔬部

御温

穰菜

援神契薑御温菜也方言曰薑之小者謂之穰菜

莖

呂覽云菜之美有雲夢之莖

潰豈
二音

紫萸

紫莢軟見本草釋名海篇莢木耳也

嘉樹

呂覽餘瞽之南有菜名嘉樹其葉碧

葷菜

管子曰瓜瓠葷菜不備國之貧也說文曰蒜之
美雲蘿之葷菜蒼頡篇云葷辛菜也凡物辛臭
者皆曰葷

興渠

梵網經五辛菜大蒜茗格葱蔥蔥蘭蔥興渠應

法師云此方無故不翻合論云此方以胡荽稱
之仁按爾雅茗葱細莖大葉翻譯名義集云興
渠訛也應法師此云少正云興宜出烏茶娑他
那國彼人所常食此方相傳為芸臺者非也此
是樹汁似桃膠西國取之以置食中今阿魏是
也葱蔥三藏云根如蘿蔔出土辛臭葱蔥冬到
彼土不見其苗

葱淙

葱淙泄蒸葱也曲禮葱淙處未謂之邊際

嬾人菜

嬾人菜韭也一種而久以不須歲種故名說文云字象形在一之上地也

碧狼

漢武內傳西王母曰仙人上藥有碧狼菜

蕝

武夷行酒命食其曰蕝冗卽水苔也

綸

通志云綸鹿角菜組海中苔綸組之色似之也

綸一作緡山韻音關

竹萌

筒

薤

爾雅筍竹萌呂覽味之美者越駱之筒萌贊寧

筍譜筍一名萌一名蕝一名薤卷一名苗說文

云竹胎郭璞云今江東呼蘆筍爲薤又名雛

鷄腔

齊民要術鷄腔竹名也其筍肥美

游胡

大戴禮繫游胡游胡滂渤也爾雅謂之由胡亦

謂之皤蒿也香美可食又可蒸爲菹一名游胡
北海謂之滂渤郭云未詳

莫

酸迷

乾絳

茂子

詩言采其莫草木疏莫董菜也莖大如箸亦節
一節三葉如柳葉厚而長有毛刺味酸而滑五
方通謂之酸迷冀州謂之乾絳吳越呼爲茂子
子如楮實而紅始生可生食又可作羹

唐

可爰采唐矣傳唐蒙菜名

葵

菘蔬

雹葵

爾雅葵

西安

蘆菘方言云蘆菘東曾謂之菘

菘 菘

達

廣志云蘆菘別名雹葵雲南記名諸侯菜釋

名云紫花菘似蕪菁之大根俗呼爲雹突一日
蘆菘今訛呼爲蘿蔔魏夫人帖膾土酥如練杜
詩金城淨如練土酥蘆菘也

綠

詩終朝采綠鄭箋綠王芻易得之菜也

卷耳

詩正義曰卷耳苓耳廣雅泉耳亦云胡泉江東呼常泉形似鼠耳叢生似盤陸璣云葉青白色似胡荽白華細莖蔓生可煮爲茹四月中生子如婦人耳璫幽州謂之爵耳是也爾雅翼云卷耳幽冀謂之禮菜或謂之常思菜一名菘離騷所謂資菘菘以盈室是也

懷風

西京雜記苜蓿一名懷風或謂之光風茂陵人謂之連枝草韻學一名可爲菜苜蓿胡中菜張騫得之西戎仁過臨濟間見其花紫而長初枝可作羹和麩花已則刈送驢前矣時乾燠諸禾悉稿惟此獨茂何大復詩沙寒苜蓿短以其惡水也

勞祖

吳氏本草芥菹一名水蘇一名勞祖

苦蕒

晉安帝義熙二年有苦蕒菜生揚武將軍營士家莖高四尺六寸廣三尺二寸厚三寸識者以

爲苦賣者買勤苦也是後歲多征伐百姓勞苦是買苦也

析目

榮冥

爾雅薪大薺吳氏本草薪莫一名析目一名榮冥一名馬駒

頗陵

劉禹錫嘉話菠薐本頗陵語訛耳種自頗陵國來土人呼爲菠菜唐書云葉似紅葉實如蒺藜殿優

南方草木狀合浦有菜名殿優以豆醬汁茹食芳好

月爾

爾雅藜月爾注紫藜也似蕨可食疏藜一名月爾可食之菜也

托盧

天精

抱朴子家菜一名托盧或名天精

菜伯

和事草

空亭液

本草綱目葱一名菜伯一名和事草諸味皆宜

故云菜伯和事石藥爾雅葱涕一名空亭液

慈謀勒

開寶本草蒔蘿一名慈謀勒

繁露

爾雅蔞葵繁露也一名承露本草綱目注一名落葵其葉最能承露其子垂垂如綴露故得名考工記大圭長三尺杼上終葵首注云齊人謂椎曰終葵圭首六寸爲椎然則此菜亦以其葉似椎首而名之乎

垂水

爾雅垂水薇草生水旁面枝葉垂於水故名垂水也陳藏器云葉似萍三秦記云夷齊食之三年顏色不異武王戒之不食而死

茗饒

翹搖

草木魚蟲疏茗茗饒也幽州人謂之翹饒夏生莖如勞豆而細葉似蒺藜而青其莖葉綠色可食如山豆藿_{豆葉}也本草拾遺作翹搖蔓生細葉紫花可食

鼯

鼯草名詩魯頌疏干寶云韻藻謂卽蓴菜又名水戾卽茆也

蹲鴟

卓氏云岷山之下野有蹲鴟至死不饑荊州記羊山有蹲鴟如兩斛大食之終身能不饑顏氏家訓云江南一權貴讀誤本蜀都賦注解蹲鴟芋也乃爲芋字人饋羊肉答書云損惠蹲鴟舉朝驚駭不解字義久後尋跡方知如此

青烏

廣雅青烏芋名

黃獨

蘇恭本草云土卵似小芋肉白皮黃梁漢人名爲黃獨墨客揮犀云杜詩黃獨無苗山雪盛黃獨芋魁小者耳而俗人易曰黃精子美流離亦未作道人劔客食黃精也

玉延

吳晉曰薯蕷一名諸薯秦楚名玉延宗奭曰薯

蕷因唐代宗名預避諱改爲薯藥又因宋英宗名署改爲山藥盡失當日本名恐歲久以山藥爲別物故詳著之疏食譜玉延云山有靈藥錄于仙方削數片玉漬百花香仁于後泉南多薯蕷肉白皮紅山藥則皮黃較其肉實而淡遠非山藥之味土人視爲窶賤充腸之物故知薯蕷山藥本兩種奭言別物非也

祝餘

山海經祝餘生招搖之山狀如韭而青花食之

不饑郭璞云祝餘或作桂茶

菹厨

菹厨郭璞云地菹也似葢今江東名土菌亦菹厨可啖之

接余

詩參差荇菜傳荇接余也爾雅曰荇接余其葉苻苻菜一名接余苇與杏同亦或謂之鳧葵叢生水中莖如釵股葉在莖端隨水淺深陸璣云接余白莖葉紫赤色正圓莖寸餘浮水上根在

水底上青下白鬻其白莖以苦酒浸之肥美可
案酒是也

玉版

冷齋夜話子瞻邀劉器之參玉版和南至簾景
寺燒筍食之器之覺筍殊勝問何名子瞻曰玉
版也此老師善說法要令君得禪悅之味器之
乃悟其戲爲之大笑子瞻爲偈曰不怕石頭路
來參玉版師聊憑栢樹子與問籜龍兒

燕蓐蔬

謝華啓秀云燕蓐蔬嶺南名燕窩菜海燕拾海
上無毒香蔬結巢燕去巢後人取而煮食之其
味芳香脆美在百蔬之上按此別是一種非今
之燕窩也燕窩詳仁泉南雜記中

庶物異名疏卷二十一目錄

草部上

銚弋

御弋

鷓

夫須

橐吾

昔耶

屋遊

由衙

林於

澁勒

升斤

火泉

牧靡

海閭

裙

重邁

邯鄲

扶種

胡繩

撚枝

如

走

橫目

游龍

水簾

水臺

水且

迷陽

紫脫 羊奚 竹青 延嘉

提母 貫衆 鴈膳 陵稻

黑鷲 馬夫 玄及 會及

綸布 陟釐 水綿 黃藿

都梁 迷迭 渠那 芑輿

植楮 寇脫 夙條 烏酸

牛傷 嘉榮 龍脩 勾端

鷄格 地髓 鉤吻 鷄穀

支無 艾納 地文 菟奚

穎東 鑽冬 識美 志取

列當 剛前 秦紉 及巳

白前 綠錢 爵牀 蔭命

毗尸沙 膏夏 秋膠 義物錫

庶物異名疏卷二十一

樵李陳懋仁無功著

草部上

銚弋

御弋

爾雅萇楚銚

姚

弋二名一種或曰鬼桃葉似桃

華白子如小麥亦似桃陸璣疏今羊桃是也葉

長而狹華紫赤色其枝莖弱過一尺引蔓於草

上今人以爲汲灌重而善沒不如楊柳也近下

根刀切其皮著熟灰中脫之可韜筆管本草羊

桃一名羊腸一名御弋鄭箋鈔弋之性始生正直及其長大則枝猗儺而柔順不妄尋蔓仁謂此象端人改節而媚乎時者不蔓猶幾焉

鷓

詩邛有旨鷓逆郭璞云鷓小草有雜色如綬也鷓本鳥名亦名吐綬鳥咽下囊如小綬具五色小草之色似之故謂之鷓草陸璣曰鷓五色作綬支故曰綬草

夫須

詩南山有臺爾雅臺夫須陸璣云夫須莎草也可以爲蓑笠御雨疏而無濕或云臺草有皮堅細滑綴可爲簷笠

橐吾

急就注橐吾似欵冬而腹中有絲生陸地華黃色一名獸須

昔耶 屋遊

梁簡文帝詩依簷映昔耶段成式謂昔耶爲瓦松沈括則謂垣衣瓦松自名昨葉未詳本草別錄

云垣衣生古垣墻陰或屋上蘇恭云此卽古墻
北陰青苔衣也生石上者名昔耶一名烏韭生
屋上者名屋遊形並相似爲療畧同草木子昔
耶一名博邪又云瓦松土木氣洩則生

由衙

林於

澁勤

升斤

火泉

說文竹冬生草也戴凱之竹譜云笛與由衙厥
體俱洪圍或累尺管實衙空南楚之居梁柱是
供由衙竹也又林於竹名亦見譜庾新野詩防

露動林於東坡詩倦看澁勤暗蠻村澁勤嶺南
竹也草木子竹葉一名升斤輟耕錄竹瀝名火
泉

牧靡

水經注牧靡縣南山縣山並卽以草立名山生
牧靡可以解毒百世方盛鳥多候食鳥喙口中
毒必急飛往牧靡山啄牧靡以解毒也

海閭

淮南子海閭生屈龍注海閭浮草之先生也屬

龍注見游龍

裾

春秋考異郵曰承石取鐵瑋瑁吸裾裾芥也

重邁

吳氏本草百合一名重邁一名中庭一名重匡

生宛胸及荆山

邯鄲

扶穮

管子地員曰其種有大邯鄲細邯鄲莖葉如扶

穮注扶穮亦草名

胡繩

離騷矯菌桂以紉蕙兮索胡繩之纒纒胡繩香

草也

撚枝

九歎采撚枝於中洲撚枝香草也

如

走

管子地員其草如茅與走注云如茅走皆草名

橫目

遊獵賦云布結縷爾雅云傳橫目注一名結縷

俗謂之鼓箏草顏師古云結縷蔓生著地之處皆生細根如綫相結故名今俗呼鼓箏草兩幼童對之手鼓中央則聲如箏也

游龍

詩隰有游龍傳曰龍紅草也疏云紅龍其大者蕤故曰龍紅一名馬蓼葉大而赤白色生水澤中高丈餘淮南子云海閭生屈龍屈龍生容華屈龍鴻也詩云隰有游龍言屈字之誤

水簾

周書穀雨前一日萍始生本草經萍一名水華一名水簾

水臺

水臺艾也見爾雅離騷注或言艾非芳草一名水臺博物志削水令圓舉以向日以艾承其影得火故號艾草爲水臺

水且

古今注芙蓉一名水且一名水芝一名雷芝一名水花花有赤白紅紫青黃

迷陽

莊子楚狂接輿歌迷陽迷陽毋傷吾行吾行郤
曲無傷吾足按楚志胡明仲云荆楚有草叢生
脩條四時發穎春夏之交花亦繁麗條之腴者
大如巨擘剝而食之其味甘美野人謂之迷陽
其膚多刺其歌曰傷以多刺也此說可補莊注

紫脫

禮斗威儀曰君乘木而王政太平蔓竹紫脫爲
之長生齊民要術曰紫脫北方物孫氏瑞應圖

曰紫達齊王融曲水序云紫脫花朱英秀文選
注謂紫脫朱英並瑞草也

羊奚

莊子羊奚比乎不筭久竹生青寧羊奚根似蕪
菁其根比連于久不生筍之竹則生青寧青寧
虫名見虫豸部

竹青

永嘉記青田縣有草葉似竹可染碧名爲竹青
此地所產故名青田

延嘉

延嘉瑞草也瑞應圖曰延嘉王者有德則見季經援神契曰天子至德屬於四海則延嘉生

提母

范子計然曰提母出三輔黃白者善吳氏本草曰知母一名提母無毒補不足益氣

貫衆

名十有三異者居半

爾雅灤貫衆廣雅名貫節本草經貫衆一名百頭一名貫渠一名虎卷一名扁符味苦寒治腹

中邪氣諸毒殺三蠱吳氏本草貫衆一名貫來一名貫中一名渠母一名貫鍾一名伯芹一名藥藻一名黃鍾葉黃兩兩相對莖黑毛聚生冬夏不老四月花八月突黑聚相連卷旁行生三月八月采根五月采葉郭璞云葉圓銳莖毛黑布地生冬不死也

鴈膳

鴈膳草名管子地員曰其種鴈膳黑實朱跗黃實跗花足也

陵稻

黑鶩

馬夫

陵稻黑鶩馬夫見管子高誘曰皆草名

玄及

會及

本草別錄名五味子為玄及本草綱目又名會

及爾雅名莖藟

音知除

綸布

吳晉本草綸布一名昆布陶隱居云出高麗繩把索之如捲麻作黃黑色柔韌可食爾雅云綸似綸組似組東海有之今青苔紫菜皆似綸而

昆布亦似組恐卽是也陳藏器云昆布生南海葉如手大似薄葦紫赤色其細葉者海藻也

陟釐

水綿

陟釐者蘇恭云河中側梨側梨陟釐聲相近也拾遺記晉武帝賜張華側理紙青綠色乃水苔為之後人訛陟釐為側理耳此乃水中粗苔作紙青綠色名苔紙李時珍曰陟釐生水中石上生者蒙茸如髮有水污在石而生者纏牽如絲綿之狀俗名水綿

黃薜

黃薜灌草名見山海經其狀如樗其葉如麻白華而赤實其狀如赭浴之已疥又可以已附附腫也郭璞贊曰浴疾之草厥子赭赤

都梁

水經注都梁縣有小山上有淳水既清且淺其中悉生蘭草綠葉紫莖芳風藻川蘭馨遠馥俗謂蘭為都梁蘭一作蘭

迷迭

廣志迷迭出西海中魏文帝種迷迭於中庭嘉其揚條吐香馥有令芳乃為之賦應瑒亦賦稱其香之酷烈焉

渠那

宋艮嶽八芳草其六曰渠那

芑輿

爾雅藹車芑輿也廣志云藹車白華

植楮

植楮草名見山海經出脫扈之山狀如葵葉而

赤華莢實實如稷莢可以已瘋鼠食之不昧淮
南子云狸頭已瘋瘋憂病也瘋憂幽鼠病而憂
在于穴內

寇脫

山海經升山多寇脫郭璞云寇脫草生南方高
丈許似荷葉而莖中有瓢正白零陵人植而日
灌以爲樹

夙條

夙條見山海經出休與之山狀如蒼赤葉而本

叢生可以爲籜


烏酸

烏酸見山海經方莖而黃華員葉三成可以爲
毒郭璞曰葉三重也贊曰烏酸之葉三成黃華
可以爲毒不畏虻蛇

牛傷

牛傷見山海經出大磬之山葉如榆方莖而蒼
傷其根蒼文服者不厥可以禦兵郭璞曰牛傷
猶言牛棘贊曰牛傷鎮氣

嘉榮

嘉榮見山海經生半石之山生而秀其高丈餘赤葉赤華華而不實服之不寔一曰不遷喜怒郭璞曰初生先作穗却著葉花生穗間贊曰寔惟天精動心駭目曷以禦之嘉榮是服所正者神用  腸腹

龍脩

山海經賈超之山多龍脩郭璞曰龍脩龍須也似菴而細生山石穴中莖倒垂可以爲席

勾端

山海經繁績之山多勾端郭璞云今山中多此草

鷄格

地髓

太陽之草曰黃精餌之長生一名重樓一名菟竹一名鷄格一名救窮一名鹿竹本草名地髓
鈎吻

鈎吻太陰之草食之立死本草經一名野葛葛洪肘後方云凡中野葛毒口不可開者取大竹

筒洞節以頭拄其兩脇及臍中灌冷水入筒中
數易水須臾口開乃可下藥解之惟多飲甘草
汁人尿汁白鴨或白鶩斷頭瀝血入口中或羊
血灌之嶺南衛生方云卽時取鷄卵抱未成雛
者研爛和麻油灌之吐出毒物乃生稍遲卽死
按博物志魏太武習啖野葛至一尺許飲鳩酒
至一盞劉元城曰揚此聲以誑人欲其無害已
也

雞穀

山海經兔牀之山其草多雞穀其本如雞卵其
味酸甘食者利於人

文無

古今注古人相贈以芍藥相招以文無本草當
歸一名乾歸一名文無

艾納

艾納按廣志出西國似細艾香譜曰艾納松上
莓苔也艾納和香則衆香發越東坡詩憑仗幽
人收艾納國香和雨入青苔春風堂隨筆枯松

百年卽有白衣如粉本草謂之艾納又曰艾衲
又可名松雪

地文

急就注半夏五月苗始生居夏之半故爲名也
一名地文

菟奚

顛東

鑽冬

急就注欵冬亦曰欵凍東以其凌寒叩冰而生
故爲此名生水中花紫赤色一名菟奚亦名顛
東爾雅名顛凍寇宗奭名鑽冬述異記洛水至

冬凝厲則欵冬茂悅曾冰之中傳咸欵冬賦冰
凌盈谷積雪被崖顧見欵冬曄然始敷

識美

志取

吳晉本草白沙參一名苦心一名識美一名虎
鬚一名志取一名文虎二月生苗如葵葉青色
根白實如芥根大如菁

列當

列當按開寶本草一名栗當一名草薺蓉生山
南巖石上如藕根初生蘇頌云草薺蓉根與肉

菘蓉極相類刮去花壓扁以代肉者功力殊劣
卽列當也

剛前

唐本草仙靈脾本經各淫羊藿又名剛前

秦紉

唐本草秦紉

紉

本經曰秦芫

交

出秦中以根作

羅紋交糾者佳蘇頌曰其根土黃色而相交糾
長一尺以來粗細不等枝幹高五六尺葉婆娑
連莖梗俱青色如蒿芭葉六月中開花紫色似

葛花當月結子每春秋采根陰乾

及已

及已蘇恭云生山谷陰虛軟地其草一莖莖頭
四葉隙著白花根似細辛而黑有毒今人以當
杜衡非

白前

陶隱居云白前根似細辛而大色白不柔易折
蘇恭曰苗高尺許葉似柳或似芫花生洲渚沙
磧之上俗名藍石又名嗽藥今用蔓生者味苦

非真也

綠錢

古今注苔或紫或青一名員蘚一名綠錢沈約
青苔詩深堂沒綺錢

爵牀

本草別錄爵牀生漢中蘇恭云此草似香茅葉
長而大或如荏且細俗云赤眼老母草李時珍
云方莖對節與大葉香蒿一樣但香蒿搓之氣
香而爵牀搓之微臭以此爲別

蔭命

蔭命鉤吻注陶云有一物名蔭命赤色著木懸
其子生海中有毒又云海薑生海中赤色狀如
龍芮大毒應是此也今無的識之者見陳藏器
餘

毗尸沙

酉陽雜俎毗尸沙一名日中金錢花本出外國
梁大同一年進來中土

膏夏

淮南子巫山之上順風縱火膏夏紫芝與蕭艾
同焚

秋膠

義物錫

石藥爾雅覆盆子一名秋膠一名義物錫

